

AKS-Freie Univ. HANMUN WORKSHOP 2025

-Treatise on Arts and Letters(bibliographical part) of the History of the Former Han

Lee, Hyejung(AKS)



1. 『漢書』「藝文志」“輯略”

1-1. 昔仲尼沒而微言絕 七十子喪而大義乖 故春秋分爲五 詩分爲四 易有數家之傳 戰國從衡真僞分爭諸子之言紛然殽亂 至秦患之 乃燔滅文章 以愚黔首

1-2. 漢興改秦之敗 大收篇籍 廣開獻書之路 迄孝武世書缺簡脫 禮壞樂崩 聖上喟然而稱曰朕甚閔焉 於是建藏書之策 置寫書之官 下及諸子傳說 皆充祕府

1-3. 至成帝時 以書頗散亡 使謁者陳農求遺書於天下 詔光祿大夫劉向校經傳諸子詩賦 步兵校尉任宏校兵書 太史令尹咸校數術 侍醫李柱國校方技 每一書已 向輒條其篇目 撮其指意錄而奏之

1-4. 會向卒 哀帝復使向子侍中奉車都尉歆卒父業 歆於是總群書而奏其七略 故有輯略 有六藝略 有諸子略 有詩賦略 有兵書略 有術數略 有方技略 今刪其要 以備篇籍